

Augsburg, 5. Dezember 1576

An Theodor Zwinger

UB Basel, Fr. Gr. I 11, fol. 354r (nicht eigenhändig bis auf den letzten Abschnitt und die Unterschrift).

S. Vestram vrbem grauitate aëris affligi doleo: sed, vt in malis, longè optabilius est, incidere in manus Domini, quàm in manus Hispanorum. Qui, quanta immanitate per complures annos in Belgio grassati fuerint, et vt Antuerpnam nuper vastauerint, vtique non ignoratis. Qui mihi ordo libellorum, quos ad Pernam misi, probaretur: iam tum accuratè scripsisse videor. Sed si vos aliquid melius habetis; id me probaturo sequimini. Mihi istic neque seritur neque metitur. D. Adolpho negocium omne transscripsi: qui et ipse in vestro iudicio acquiescet. Vale. Augustae Vindelicorum. Nonis Decemb[ris] Anno etc. 76.

Ad Pernam misimus ἐπιτομήν στρωματέων. sed is an acceperit, non significat. Petijt eum librum Canteri nostri, iuuenis immortalitate digni, frater: et ad Pernam curari iussit.

Hiero[nymus] Wolfius
Tuus.